

Asirciziu di ricerca

Ogettivi pedagogichi

Capacità messe in ballu :

ghjuvà si di una formula, leghja un tavuleddu à intrata doppia.

Cumpetenze messe in ballu : calculà, circa.

Spesi è imposti

Enunciatu

Saveria è Evariste si sò stabbiliti in Sarraghja. Evariste faci i bugni è porta u meli à i clienti mentri chì Saveria faci i cunfitturi è i canistreddi ch'edda porta in a Corsica sana.

S'accorghjini ch'eddi frazani mori carburanti è dicidini di calculà quant'eddi pudariani caccià da i so rivinuti in a so dichjarazioni di l'imposti, par via di l'adopru prufissionali di una vittura.

Ani trovu u tavuleddu sottu quì, chì inditta quant'eddu ci voli à caccià à i so rivinuti sicondu u numeru di i chilometri fatti. A lettera D insegna a distanza annuali viaghjata in chm.

Putenza fiscali	Sin'à 5 000 chm	Da 5 001 chm à 20 000 chm	Da 20 000 chm in là
3cv	$D \times 0,364$	$(D \times 0,219) + 723$	$D \times 0,255$
4cv	$D \times 0,439$	$(D \times 0,247) + 960$	$D \times 0,295$
5cv	$D \times 0,483$	$(D \times 0,270) + 1063$	$D \times 0,323$
6cv	$D \times 0,505$	$(D \times 0,285) + 1100$	$D \times 0,340$

1. A putenza fiscali di a vittura d'Evariste hè 6 cv. Hà viaghjatu 7 540 chm pà u travagliu in un annu. Quantu pò caccià pà l'imposti ?
2. Listessa dumanda pà Saveria : a so vittura t'hà 5 cv è hà viaghjatu 23 570 chm in un annu da purtà a so robba.

Lessicu

Bugnu : *ruche.*

Impòsitu : *impôts.*

Frazà : *consommer beaucoup, gaspiller.*